

Հ Ա Շ Վ Ե Տ Վ ՈՒ Թ Յ ՈՒ Ն
 ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը՝ ՀՀ էկոնոմիկայի նախարարություն
2. Գործողման մասին իրավական ակտի համարը՝ ՀՀ վարչապետի N 15-Ա որոշում առ 13.01.2026թ.
3. Անունը, ազգանունը, զբաղեցրած պաշտոնը (մասնագիտությունը)՝

Գևորգ Պապոյան - ՀՀ էկոնոմիկայի նախարար

(թվարկել՝ պատվիրակություն գործուղելու դեպքում)

4. Գործողման ժամկետները՝ 2026 թվականի հունվարի 16-18-ը
5. Գործողման վայրը՝ Գերմանիայի Դաշնային Հանրապետություն (Բեռլին)
6. Գործողման ծախսերի ֆինանսավորման աղբյուրը՝ Հայաստանի Հանրապետության 2025 թվականի պետական բյուջեով արտասահմանյան պաշտոնական գործուղումների համար նախատեսված միջոցների հաշվին:
- 1) իրավիրող կողմի միջոցների հաշվին հատուցվող ծախսերը
 (թվարկել՝ ճանապարհածախս, գիշերավարձ, օրապահիկ և այլն)

- 2) պետական բյուջեի միջոցների հաշվին հատուցվող ծախսերը
 (ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)
 (ընդգծել ծախսերի փոխհատուցման տարբերակը)

ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը

☐ բ. գործողման անհատական իրավական ակտով տվյալ գործողման փաստացի կատարված ծախսերի հատուցման պահանջի համաձայն

Ծախսի տեսակը		Գևորգ Պապոյան	Ընդամենը (դրամ)
Ճանապարհածախս	Ավիաճառարության տեսակը (էկոնոմ դաս, բիզնես դաս)	էկոնոմ դաս	
	Ավիատոմսի արժեքը (դրամ)	339,809	339,809
Գիշերավարձ	Վճարը 1 գիշերվա համար (Բեռլին- EUR)		
	Վճարը 1 գիշերվա համար (դրամ)		
	Գիշերների քանակը		
	Ընդամենը (դրամ)	-	-
Օրապահիկ	Վճարը 1 օրվա համար (Բեռլին - EUR)	129	
	Վճարը 1 օրվա համար (դրամ)	57,312	
	Օրերի քանակը (16, 17 - հունվար -2026թ.)	2	
	Ընդամենը (դրամ)	114,624	114,624
Այլ ծախսեր	Հակահամաճարակային նմուշառումների վճար	-	
	Մուտքի արտոնագրի վճար		
	Այլ ծախսեր /ՊՊՍ սրահ/	10,000	10,000
Ընդամենը ծախսեր (դրամ)		464,433	464,433
Նախահաշվարկով վճարված (դրամ)		114,624	114,624
Ընդամենը վճարման ենթակա, որից		349,809	349,809
Ավիատոմսի գումար (դրամ)		339,809	339,809
ՊՊՍ սրահի գումար (դրամ)		10,000	10,000

*13.01.2026թ. ՀՀ ԿԲ արտարժույթի միջին փոխարժեք՝ 1 EUR

444.28

Գլխավոր քարտուղար
 /Գլխավոր ֆինանսիստ/

Գլխավոր հաշվապահ

ՀԱՅԿԱԶ ՆԱՍԻԲՅԱՆ
 Մոնիկա Ղարսյան

Հ Ա Շ Վ Ե Տ Վ ՈՒ Թ Յ ՈՒ Ն

**2026թ. հունվարի 16-ից 18-ը Գերմանիայի Դաշնային Հանրապետություն
կատարած գործուղման արդյունքների մասին**

1. Անունը, ազգանունը՝

Գևորգ Պապոյան

2. Զբաղեցրած պաշտոնը՝

ՀՀ էկոնոմիկայի նախարար

3. Գործուղման վայրը և ժամկետները՝

Գերմանիայի Դաշնային Հանրապետություն՝ ք. Բեռլին, 2026թ. հունվարի 16-ից 18-ը

4. Հրավիրող կողմը՝

Գերմանիայի Դաշնային Հանրապետության գյուղատնտեսության, պարենի և հայրենիքի դաշնային նախարարություն

5. Գործուղման նպատակը՝

Մասնակցություն Պարենի և գյուղատնտեսության միջազգային 18-րդ համաժողովին (GFFA)

6. Քննարկված թեմաները՝

Այցի ընթացքում կողմերը քննարկել են ջրի կայուն և արդյունավետ օգտագործմանն ուղղված պետական քաղաքականության հիմնական ուղղությունները, ոլորտի ռազմավարական կառավարման առաջնահերթությունները, համապարփակ ռազմավարության մշակման ընթացքը, կլիմայի փոփոխությամբ պայմանավորված ռիսկերը, ագրոպարենային արտադրության և պարենային անվտանգության վրա դրանց ազդեցությունը, ինչպես նաև ջրի, գյուղատնտեսության և կենսաբազմազանության փոխկապակցվածությունը կայուն զարգացման համատեքստում:

7. Հանդիպումները, ելույթները, բարձրացված կամ քննարկված հարցերը

2026 թվականի հունվարի 16-18-ը ՀՀ էկոնոմիկայի նախարարության պատվիրակությունը Գերմանիայի Դաշնային Հանրապետության Բեռլին

համաժողովին՝ Global Forum for Food and Agriculture (GFFA): Համաժողովը հանդիսանում է բարձր մակարդակի միջազգային հարթակ՝ ուղղված պարենային անվտանգության, գյուղատնտեսության կայուն զարգացման, բնական ռեսուրսների արդյունավետ կառավարման և գլոբալ մարտահրավերներին համատեղ արձագանքելու հարցերի քննարկմանը՝ պետական կառավարման մարմինների, միջազգային կազմակերպությունների և ոլորտային գործընկերների մասնակցությամբ: Միջոցառումը հնարավորություն է ընձեռել ներկայացնելու Հայաստանի Հանրապետության մոտեցումները և առաջնահերթությունները, ինչպես նաև ընդգծելու միջազգային համագործակցության կարևորությունը՝ հատկապես կլիմայի փոփոխության, ջրի սակավության, արտադրողականության բարձրացման և գյուղատնտեսական համակարգերի դիմակայունության ամրապնդման համատեքստում:

Համաժողովի շրջանակներում 2026թ. հունվարի 17-ին կայացել է Բեռլինի գյուղատնտեսության նախարարների համաժողովը (Berlin Agriculture Ministers' Conference), որը հանդիսանում է GFFA-ի քաղաքական օրակարգի գլխավոր միջոցառումը և համախմբել է տարբեր երկրների քաղաքական պատասխանատուներին՝ համատեղ մոտեցումներ ձևավորելու նպատակով: Նախարարական քննարկումներին մասնակցել է ՀՀ էկոնոմիկայի նախարար Գևորգ Պապոյանը, իսկ պատվիրակության կազմում աշխատանքներին մասնակցել է նաև նախարարի տեղակալ Արման Խոջոյանը:

Նախարարական քննարկումներին մասնակցել են ավելի քան 60 երկրի գյուղատնտեսության նախարարներ, ինչպես նաև միջազգային կազմակերպությունների 14 բարձրաստիճան ներկայացուցիչներ: Քննարկումների ընթացքում արձանագրվել է, որ ջրային ռեսուրսների սակավությունը, դրանց հասանելիության անհավասարությունը և կլիմայական փոփոխություններով պայմանավորված ռիսկերն ազդեցություն են ունենում ինչպես գյուղատնտեսական արտադրության ծավալների, այնպես էլ պարենային անվտանգության կայունության վրա՝ պահանջելով համակարգային քաղաքականություն, տեխնոլոգիական նորարարությունների կիրառում և միջպետական ու միջոլորտային համագործակցության խորացում: Հանդիպումների արդյունքում ընդունվել է համատեղ քաղաքական հայտարարություն՝ «Ջուր. Բերք. Մեր ապագան» խորագրի ներքո, որը շեշտադրել է գյուղատնտեսության և պարենային անվտանգության համար բավարար ջրի ապահովման, ջրային ռեսուրսների կայուն կառավարման, ինչպես նաև միջազգային համագործակցության ու փորձի փոխանակման կարևորությունը: Այդ համատեքստում առանձնահատուկ ուշադրություն է դարձվել ջրի արդյունավետության բարձրացմանը, կայուն կառավարման մոդելների ներդրմանը և ռեսուրսների պահպանմանը՝ որպես երկառաժամկետ զարգացման հիմք:

Ջրի կայուն և արդյունավետ օգտագործմանը նվիրված նիստի ընթացքում նախարար Գևորգ Պապոյանը հանդես է եկել ելույթով՝ ընդգծելով ջրի արդյունավետ կառավարման ռազմավարական նշանակությունը Հայաստանի Հանրապետության կառավարության համար: Նա ներկայացրել է այդ ուղղությամբ իրականացվող պետական քաղաքականության հիմնական առաջնահերթությունները՝ ուղղված ջրի մատչելիության, կիրառության արդյունավետության և կառավարման համակարգերի կատարելագործմանը, ինչպես նաև գյուղատնտեսական զարգացման ծրագրերի իրականացմանը՝ հաշվի առնելով կլիմայական ռիսկերը և բնական ռեսուրսների սահմանափակումները: Նախարարը նշել է, որ ջրային ռեսուրսների կառավարման հարցում կարևոր է համալիր մոտեցումը՝ ներառյալ ոլորտային քաղաքականությունների համադրումը, կառավարման հստակ գործիքակազմը, տվյալահեն պլանավորումը և պետական ու մասնավոր հատվածների ներգրավվածությունը:

Ելույթում նա անդրադարձել է ներկայումս մշակվող Ջրային ոլորտի համապարփակ ռազմավարական փաստաթղթին, որը կոչված է հստակ արձանագրելու առկա մարտահրավերները և սահմանելու առաջնահերթ միջոցառումները՝ ջրային ռեսուրսների կայուն օգտագործման, կառավարման արդյունավետության բարձրացման և ոլորտում երկարաժամկետ ծրագրավորման ապահովման նպատակով: Նախարարը կարևորել է նաև համատեղ գործողությունների և գործընկերային մոտեցումների անհրաժեշտությունը՝ ջրի հասանելիության և ազրոպարենային արտադրության ոլորտում առկա խնդիրների հաղթահարման համար՝ հատկապես կլիմայի փոփոխությամբ պայմանավորված ռիսկերին դիմակայելու համատեքստում: Ընդգծվել է, որ խնդրի լուծման համար կարևոր են ոչ միայն ազգային քաղաքականությունները, այլ նաև միջազգային գործակցությունը, լավագույն փորձի փոխանակումը և համատեղ նախաձեռնությունների խթանումը:

Միաժամանակ նախարար Գևորգ Պապոյանը համաժողովի ընթացքում հանդես է եկել առանձին ելույթով, որի շրջանակում կարևորել է ջրի արդյունավետ օգտագործման և ինտենսիվ գյուղատնտեսության անցման անհրաժեշտությունը՝ ընդգծելով ջրի սակավության աճող ազդեցությունը գյուղատնտեսության արտադրողականության և պարենային անվտանգության ապահովման վրա: Նա արձանագրել է, որ արդյունավետ ջրօգտագործումն ու ժամանակակից մոտեցումների կիրառումը կարող են նպաստել արտադրողականության բարձրացմանը, ռեսուրսների խնայող օգտագործմանը և գյուղատնտեսական համակարգերի դիմակայունության ամրապնդմանը: Այդ համատեքստում շեշտադրվել է նաև կանխարգելիչ քաղաքականությունների կարևորությունը՝ ուղղված ռիսկերի կառավարմանը, արտադրության կայունությանը և պարենային շուկաների կանխատեսելիությանը:

Անդրադառնալով 2026 թվականին Հայաստանում կայանալիք «Կենսաբազմազանության մասին» կոնվենցիայի Կողմերի 17-րդ համաժողովին (COP17)՝ նախարար Պապոյանը նշել է, որ համաժողովի օրակարգում առանձնահատուկ ուշադրություն է դարձվելու ջրի, գյուղատնտեսության և կենսաբազմազանության փոխկապակցվածությանը՝ որպես կայուն զարգացման հիմնարար ուղղություն: Այս համատեքստում ընդգծվել է, որ բնական ռեսուրսների պահպանությունն ու արդյունավետ կառավարումը միաժամանակ վերաբերում են ինչպես բնապահպանական, այնպես էլ տնտեսական և սոցիալական կայունությանը՝ հատկապես պարենային համակարգերի և գյուղատնտեսական արտադրության երկարաժամկետ նպատակների համար:

Նախարարը գործընկերներին հրավիրել է Հայաստան՝ ծանոթանալու երկրի ներուժին, ոլորտային առաջնահերթություններին և ընթացիկ նախաձեռնություններին, ինչպես նաև մասնակցելու COP17 միջազգային կարևոր նշանակություն ունեցող միջոցառմանը: Նշվել է, որ նման միջոցառումները նպաստում են միջազգային երկխոսության խորացմանը, համատեղ մոտեցումների ձևավորմանը և համագործակցության նոր հնարավորությունների բացահայտմանը, այդ թվում՝ փորձի փոխանակման, մասնագիտական կապերի ամրապնդման և գործնական նախաձեռնությունների մշակման ուղղություններով:

8. Ստորագրությունը, ամսաթիվը՝

20.01.2026թ.

